



# Te Kouru ibukin te Wareware

**Iroun Chelsea Mortensen**  
(E boboto i aon te karaki ae koaua)

*E riki te karaki aei i USA.*

Anders e ongora ngke e wareware mwaanena An tain kamatebwaian booki aika tabu n aia utu. E kataia n iriria iaon ana taburete. Ma e bon kangaanga ae na katurua ana iango iaon taian taeka. Bon iai ana kangaanga Anders ngkana e wareware. N te ririki ae nako, e kunea bwa iai aorakina ae te dyslexia. Te Dyslexia bon te aki konabwai n reirei are e a karika te kangaanga nakon te wareware. Kaburorona e kamangaoui taeka ao manin te reta, ao matana a biriaitua iaon baan te boki ngke e kataia ni wareware. E bane ana kibu mwaanena are e warekia, ao tarina e wareka are imwiina. Ma e aki wareware Anders. E aki tangiria bwa e na wareware ni kabaibati. Ni kabuburai taeka iaon ana taeburete e reke buokana teutana iai. Ma e ribaa aron

waremwena ao e aki bomaongina ana wareware. E mwaiti kairua ae karaoi! E riai ni mwakuri korakora ibukin te bwai are e taraa ni bebete irouia aomata nako. Ngke a tia ni wareware, a matakua ana utu Ander n te witeo. Bon taekan aia burokuraem Aatai ao Kairake "Katea ami kouru are e na angani ngkami te kakaewenako ao ni kakorakorako," E taku Unimwaane Gong n te witeo. Kunei am tarana aika a boou, baike ko nano iai, ao rabakaum"\* E tabe n iango Anders ibukin katean ana kouru Tao e na kona n reireinna ni kamwai taian kuuki. Ke e na takakaro n te butibooro n ae tamaroa riki. Ngkanne e taraa ana Boki Moomon are e mena iaon te taibora. Karekean ae tamaroa n tain te

\*Te Itaramata ni Marooro ma Unimwaane Gerrit W. Gong (worldwide broadcast, Nob. 17, 2019), Gospel Library.

wareware kanga tiaki taraan te kouru ae kaunga. Ma e tangiria bwa e na kona ni wareware ni booki aika tabu ma ana utu. "I ataia bwa tera ae I tangiria bwa e na riki bwa au kouru," e tuanga Tamana. "Teraana iai?" E titiraki Tamau. Anders e tabekarake ana Boki Moomon. "I tangiria ni wareka kibun ana Boki Moomon ni kabaibati ni katoa bong." "Anne kanga taraan ae te kouru ae moan te nakoraoi," e taku Tamana. "Nningai ae ko na waaki iai?" Ngkai naba?" E nako Ander nakon ana ruu ao e kaina te mataroa. Akea temanna ae tangiria bwa a na ongo bwanaana. Ngkanne e a kauka ana Boki Moomon. E kamangaoui taian taeka, ma bon tii teutana te miniti ao e bane te moan kibu. Anne e aki rangi ni buakaka, e iango. Ander e wareware ni booki aika tabu ni katoa bong. E bon matoatoa! E namakinna ae kanga akea te nakoraoi, naba. Ma e teimatoa ni mwakuriia. Ngkanne n te bong teuana, e taku ana tia reirei, "Auee! I a bon aki kakoaua ae rangi ni baiti reiakinam." E tararake Anders mai iaon ana bwai n reirei. "Ko koaua raoi?"

E katoutoua atuuna. "E rikirake n tamaroa am kekeiaki." E baraaki Anders n tarai taeka ake iaon ana beeba. A rangi bebete warekaia nakon are mai imwaaina. Ana kouru ni wareware ni booki aika tabu e buokiia ni kamatebwai n te reirei. Ngke e okira mweengana, e biri nako eeta bwa e na wareki ana boki aika tabu. Ngke e taraa baana, a bon minomino naba taian taeka. Ma e bon bebete ni kakaeana bwa tera ae a taekinna. E rangi ni kukurei Anders n te tairiki anne ibukin aia kamatebwai ni booki aika tabu ana utu "Eei, Tamau," e taku. "I kona ni buoka te wareware n te bong aei?" E matangare Tamana. "I tangira anne!" E tabe ni karaurau n iriria ngkai a tabe ni warekii kiibu n tatabeua tarina ma mwaanea Ngke e a roko n ana tai, e karaurau ni wareka te kibu ni kakoaua raoi bwa a na bane n eti taeka irouna. Imwiin tiana ni wareware, e tararake. A bane ni moangare ana utu nakoina. E ngae ngke tiaki te tia wareware ngaia ae nakoraoi, e kamoamoana Anders i bon ibukina. E ataia bwa ngkana e mwakuri korakora, e na memena Tamara are i Karawa ikekei ni buokia. ●



KAMATAA NI TE TAMINEI IROUN KELLY SMITH